

四庫全書

集部

欽定四庫全書

集部

續軒渠集

目錄
卷二

詳校官中書_臣孫衡

侍讀_臣孫球覆勘

覆校官中書_臣宋鎔

校對官中書_臣范鏊

謄錄舉人_臣朱錫彤

欽定四庫全書

集部五

續軒渠集目錄

別集類四元

卷一

五言古風上

卷二

五言古風下

卷三

七言古風

卷四

五言律詩

五言排律

卷五

七言律詩上

卷六

七言律詩下

卷七

五言絕句

六言絕句

七言絕句上

卷八

七言絕句下

卷九

詞調

卷十

雜著

臣等謹案續軒渠集十卷元洪希文撰卷末數頁則其父巖虎詩也巖虎詩名軒渠集故希文集以續名然軒渠集斷爛不存故撫其遺詩依伐檀集例載於末前有希文自序嘉靖癸巳其七世族孫紹興知府洪珠請山陰蔡宗充刊定宗充序稱其以山澤之臞出山澤之語譬諸夏鼎商鬲華采雖若不足而渾

厚朴素之質使望之者知為古器今觀其詩
純沿宋格於元季華縉之風明代堂皇之體
迴焉不同而清道激壯亦足落落獨行也嚴
虎字德章號吾圃莆田人宋末嘗為教諭希
文字汝質號去華亦嘗官訓導云乾隆四十
二年八月恭校上

總纂官臣紀昀臣陸錫熊臣孫士毅

總校官臣陸費墀

續軒渠集原序

續軒渠集者洪西淙公祖遺之詩稿也一日出其稿以示宗充且曰是祖父子俱以詩鳴父詩曰軒渠集子詩曰續軒渠集父集蠹爛不存子集楮墨僅具子孫微意謂梓傳庶幾可久惟君子公心酌之予未視其集無以應也既繙閱數日迺復于西淙曰是儒博學而志於道者其發之聲詩所謂以山澤之癯而出山澤之語也譬諸夏曩商高華采雖若不足而渾厚朴素之質使望之

者知為古器而自泯其雕巧之心也盍梓之以訓厥宅
里西淙曰惜父集之無傳也予曰父子一至祖孫一德
子有文則可以知其父孫有謨則可以識其祖嘗聞軒
者開也渠者大也胸次悅豫之義東漢薊子訓之方言
也故父子相賢一家之軒渠矣祖孫相賢奕世之軒渠
矣謂軒渠之義見於詩章則可謂詩集盡夫軒渠之義
則不可也天地聖賢之心不能盡載方策而父子軒渠
之志公何獨得於意外乎西淙莞爾而不言續集詩五

百餘首今抹去一百三十五首梓行四百三十五首類
分為十卷外附刻一卷作軒渠集者名巖虎字德章號
吾圃續軒渠者名希文字汝質號去華山人俱宋末元
時莆田人西淙名珠字玉方二儒之七世族孫也今為
紹興郡牧嘉靖十一年歲在壬辰秋七月吉山陰蔡宗
充序

續軒渠之作始於天厯戊辰館於游洋壽峯方氏也方氏子淑年未志學予以講習餘力覃思於詩歲頃得律詩及絕詩古詩長短句五百首方氏子集以示予予目閱舊稿時有佳處亦不可盡謂村舍學堂中語也因追念先君子晚歲試校游洋琴書日永燈火夜闌翁季談及此事翁有軒渠卷帙行于世視予斯作往往竊肖之然未免有具體而微之嫌兒子琦執筆侍而言曰請名以軒渠續集可乎予曰汝大父之學我弗敢言今汝之

請似也然續之義談何易易昔太史公執其子之手泣而言曰予先周室太史也至於予而中衰廢聖德而不載滅賢士而不述汝復為太史則續吾祖矣厥後史遷卒繼其志成其業以永其傳必如是然後可以言續談何易易吁今予茲編使具眼者見將有貂不足之誚又安敢學漢延壽先賦靈光耶筆以授之且以志吾過云

洪希文序

欽定四庫全書

續軒渠集卷一

元 洪希文 撰

五言古風上

休假與童冠散策林麓

十日得一假暫輟琴書遊童冠各休沐用憩林塘幽林
塘窮勝處密蔭波光浮緬懷風雩會志若點與求悠然
千載下天地真同流顧惟青衿子豈敢追前修賢聖固

有分情性理則侔幸乘一日澤散此九日愁前括有格

言雖休亦勿休

張安世傳休沐未嘗出休沐漢制也言惟得休沐假而後相聚也孔子曰百

日之蜡一日之澤非爾所知也註云蜡之祭勞農以休息之言民勤稼穡有百日之勞今一日飲酒燕樂君之澤

鄭獻可為道士丘性道求詩往遊洋作修真道
室書以贈之

祈年既有觀望仙亦有宮吾行自却曲俯仰將曷從祈

觀秦穆公所造望仙宮漢武帝所造莊子人間世迷陽迷陽無傷吾行吾行卻曲無傷吾足注卻空也曲從順

也虛空其心 隨順物性 游洋古勝境山水嵩華同近聞巢山者云

是浮丘公一段香火緣素心鬱冲冲方陳兩高士夙有
嚮道風朗誦蕊笈文遠落茅竹叢五城十二樓已卜縹
緲中稽山讀書處澗谷遺舊蹤一去三十年止水迷西
東尚留半石髓欲徃夢不通茲會儻可期願言從赤松

劉向列仙傳王子喬周靈王太子也道士浮丘公接上
嵩山三十餘年復來於山相告別曰告我家人七月七
日待我於緱山上果乘白鶴駐山頂舉手招謝世人而
去仙傳崑崙閭苑有玉樓十二元室九層左瑤池右
翠水環以弱水九重非飈車羽輪不可到漢書黃帝為
五城十二樓以候仙人 李白詩天上白玉京十二樓

五城仙人撫我頂結髮授長生嵇康遇王烈共入山
烈曾得石髓如飴自服其半餘半與康凝而為石烈歎
曰叔夜志趣非常而不遇命也列仙傳赤松子神農
時雨師服冰玉教神農入火自燒至崑崙山堂止西王
母石室隨風雨上下炎帝少女追之亦
仙去張良願棄人間事從赤松子遊

琴枕

至音何寥寥古道行古心枯槁斲為枕用枕體乃琴虛
中具徽軫簧舌韶濩音操之當薰風不僭雅以南詩鼓
鍾以

雅以南以篇不僭注雅二雅也南二
南也僭亂也言三者皆不相亂也吾聞古巢父遺瓢

掛空林有形即有累湛若止水沈所以魯東家曲肱意

彌深

論衡曰魯人不識孔子聖人乃曰彼東家丘者吾知之矣

毒魚吟

澤梁古有禁數罟不得施不足尚不食況乃草蔡之

征蜀

聯句聖靈閑頑嚚蕞養均草蔡注草毒殺草也

文王行直鉤周網全盛時湯網

去三面殷道猶未衰詭遇今若此吾焉能不悲

閏八月郡庠小集呈高一初廣文併會間諸老

今年中秋月不見白玉盤天公莫省事留待閏月看邂逅至此夕萬里雲漫漫孀娥為誰怨不肯驟素鸞樽酒

興不盡聊借今日歡庭前桂花開更覺酒量寬隨遇皆可樂何必遊廣寒相從君子堂餘慶由衣冠當時金谷園徒起長恨端丁寧座中客慎勿嫌冷官東籬菊漸黃

尚可供遊觀

李白詩少時不識月喚作白玉盤
錄八月望夜明皇與中天師遊月宮寒氣

逼人霜露霑衣過一大門在三光處見一太府榜曰廣
寒清虛之府少前見素娥十餘人縞衣乘白鶴笑舞於
廣庭大桂樹下樂音清麗上皇歸製霓裳羽衣曲
鮑照明遠東門行長歌欲自慰彌起長恨端

戲贈阿鼎

阿鼎生苦晚雖晚覺亦好行當小學年不獨知灑掃朝

誦數行書夕記已草草時來學父作句律亦帖妥翁無
萬金產賴爾舒懷抱相對成欣然造物豈窮我

呈知事廬

端智泰定丁卯進士字可及常州人

空谷有幽蘭自謂生得地既安泉石性雨露亦云被奈
何蓊莽深綠艷日凋瘁根本固無傷終然尠生意春輝
雖借暖退則寒者至向不遇清風幽芳恐終闕

唐田遊岩隱箕

山高祖幸問曰先生此佳否
曰臣泉石膏肓烟霞痼疾

傳西疇學錄辱惠佳章次韻奉答

諸公蚤脫穎太玄縻子雲一携梁園冊久廢鄭谷耘辱

君敦宿好臭味芝蘭芬緬懷兩翁舊執手追前欣過眼

破萬卷翻水工為文歲月邁幾何相對疑夢魂君才異

噲伍氣若扶桑暎酒榼接清夜軟語尤殷勤哀帝時丁傳董賢作

相諸附之者皆起家至二千石時揚雄方草太玄自守泊如也韓詩文如翻水成初不用意為前漢韓信

廢為淮陰侯過樊將軍噲噲趨拜送迎言稱臣曰大王乃肯臨臣信出門笑曰生乃與噲等伍也維摩經言

大富梵行所言誠諦常以軟語杜詩夜闌接軟語落月傾金盆唯有摩尼珠可照濁水源

廬陵劉晴閣希郡幕謝吉甫元三山林秋江坤

共遊柯竹園池亭分韻賦詩僕得耳字

斯晨作斯遊四座冠劍偉主人大作豪快論轟兩耳銀
葉炷名熏烏絲垞奇字冰衿取誦吟聲節中宮徵中觴
起喧譁散策步逶迤一徑縈松筠八牕秀荃芷矯立挹
幽芳清坐鑑碧泚豈不懷極歡日轂轉何駛回軒互追
奔興盡具復已聚散難前期願言顧終始

聞清漳近信

龍逃海水熱簡書亦足畏

簡書戒命也
不懷歸畏此簡書

詩豈
蹇蹇皆

王臣或有獨勞悴有司輸軍儲風颿往供餽朔風卷櫓

槍願散旄頭芟蒼生豈不因督責太煩碎側聞良家子

坑塹分填棄坐視若不聞勇壯失顛顛母負朝廷恩泥

沙傾廩餼猖獗迫河隍踟躕果何遲

音治待也

堆鼓日夜鳴

擊鮮交勞吏

漢陸賈謂其子曰數擊鮮母久溷濁也

燕寢尚宵衣健兒獨

褰幟聖祖仁立國垂統千萬祀方隅有竊發敢不趨父

事宜推子弟恩疾痛脂膺臂奈何當此時反若秦越視

太平日已久克惡無噍類富庶非不多休禎靡不至何

當穢濁清凱奏歡童穉使我閭閻翁翹首瞻佳氣
攬槍妖星

也

示阿鼎

一日不再食或至餒且飢一日不講學豈不愚而癡聖
道既已遠賢哲亦已萎此心苟有傳來者獨可追清晨
淨掃地盥漱臨清漪端坐高拱手邈焉起遐思立身天
地間聰慧為男兒不事分內事成名吾不知

送林景惠和興化教諭三首

華星何歷歷際此時休明嚮來章甫冠太平皆長纓某
也收科第濯濯邦國楨某也受書禮擬作觀光行儂亦
清浪兒歲月徒崢嶸壽陵欲進步蹇澁路不平豈不念

憔悴借譽無公卿逝將買一廛空谷為畊氓歌聲出金

石聊以陶吾情

杜泰陵行兩章對秋月一字借華星
孟郊詩射鴨復射鴨驚菰蒲頭駕鶩

亦零落彩色難相求儂亦清浪兒每踏清浪遊笑伊鄉
貢郎踏土稱風流如何角巾翁至死不裹頭莊子讓王
曾子居衛緼袍無表顏色腫瘡手足胼胝三日不舉火
十年不製衣正冠而纓絕捉衿而肘見納履而踵決曳

縱而歌商頌聲滿
天地若出金石

朝遊夾漈山漈水何連漪暮登石門山山石亦差差水
石太古色山人去何之君今遊此山為予訪顏基多謝
吹藜翁七畧今有歸矧茲十室邑文獻猶庶幾君子樂
育才薪樵理不遺白袍久延佇雪立風披披煦之以惠
風暢若春陽熙前程雖云邁來者猶可期

夾漈鄭夾漈
所居石門陳

聘君
所居

昔我侍吾翁設教山水鄉
樞衣琴冊暇問禮俎豆行在
寢皆淵騫籍湜走以僵
五年飽藜苒簞糲甘我腸
別我

事瓦解改色從新崗
秦荆暗丹腹歸然魯靈光回首三

十年追憶成荒唐
獨有溪水聲絃誦猶琅琅

揚子或問淵騫之徒

烏乎在曰在寢曰攀龍鱗附鳳翼巽以揚之勃勃乎其

不可及乎如其寢如其寢漢書徐樂曰天下之患在於土崩不在瓦解

靈光殿賦序曰未央建章墮壞靈光巋然獨存

擬古二十韻呈賀郡守

壺山有寒士
袒褐長不完

漢貢禹袒褐不完西謂襜褕短者為袒

關平生

多苦心特立古所難
從人僦居宅仰給空瓢簞
量力守

故轍所至軌跡環

陶淵明貧士詩量力守故轍豈不念飢寒

少壯遊鄉校名

綴淵騫班中年復棄去祿耻顏孫干

闕

俎豆賢人間

闕

古禮曠

已還

闕

周旋中禮去復見此漢

官

後漢書今日復見漢官威儀

講堂時勉勵

闕

諸生既有

養

闕

究心靡不至念慮勞百端僖功頌泮水

陸德歌衡山豫磨南山石

闕

用刑不以猛接下常以寬

闕

千里苟生意豈謂遺一寒

漢禍衡始弱冠孔融愛其材為之薦曰驚

鳥累百不如一鶚使
衡當朝必有可觀

貧甚食草具作

赤莧如赤脂苦蕒甘如飴盤登惡草具味等薇與芝賢
拒逝已遠昧昧予所思伊人既忘世此外皆若遺梁肉
世豈乏飽死黃吻兒千金渥洼種歲晚鳴枯萁尚餘耽
書癖不與塵土緇此樂豈在外簞瓢猶山雌寒劣安所

性所恨生清時

渥洼在三危山
身或問回之簞
顰如之何曰明
明在

上百官牛羊亦山雌也
土簞瓢梓茹亦山雌也
問閭在

拙詩

皎皎固易污缺缺非所宜聖有不待教賢有聞而知首
陽豈真拙餓隱將詭時凡此座上人聽我歌拙詞言拙
默固好語訛人所嗤行拙不加修名出謗亦隨官拙事
不集職曠祿為尸政拙民必擾令煩冗不治學拙德不
進業廢功無施智拙心必方大圓不可規交拙敬不周
此道今如遺才拙分有定不可中革之傳誠諸高明請
毋忘拙詩

老子其政察察其言缺缺註小智貌缺缺與

缺缺同 柳子乞巧文天之所命不可中革

泣拜欣受
後悲先譯

段郎君靜觀遊梅峯留題諸君屬和已勸筆東
溟師始授簡率爾倚韻姑附于卷末云

旁魄哉生明維時月指卯暖氣襲餘春曦光猶見昂擎
衣聞鳩舌圓滑弄清巧禪房卉木深緯繡繁璵璠元花
隔樅襦那復辨秦姣新詩發其英癢處倩爬爪惜惜抱
所諾牽俗困纏繞伊予負微尚野性便箕策騷壇紛拏
匠飛刀口當齧彩筆不足槁并刀豈容鉸天風吹旂旂

鉛槧久銚鮑緬懷同心言雙繭困抽絞愧乏王貢才願
言師龔鮑纖芥收靈珀餘芳掇芹茆一時文字飲水陸
富魚燭南烹雜禽殼近食云稍稍吐句味鮮醲咀嚼償
一飽詩筒遣屬和鷺鴈正喧謔中行不可得屑屑思狂
狡恒山憂國心孤軍張蠻獠倚歌帳下兒莫把夜眠攪

午牕坐睡

默坐足清睡清睡寓默坐耳目非視聽視聽自有道天
將大任人鮮不繇轍軻作止語默間教思非不好惟坐

近齋莊惟睡近怠惰怠惰氣易昏齊莊力易耗懷安實

敗名惕勵宜自課所以坐睡佳如以濕膏燥雖休亦勿

休存道無小大喚醒羣迷心孔孟日杲杲

列子老聃弟子有亢倉子

者得聃之術能以耳視目聽魯侯聞之使上卿厚禮而致之卑辭而問之曰傳者妄也我能視聽不用耳目不能易耳目之用

夜卧濯足

晨興則頰面夜卧則濯足晨夜一日間貴賤異湯沐樵

林拾墮薪繙井汲寒玉解苞出山芎近市收麥麴此鄉

瘴癘地遊客所食宿宜收薪水功遠去霧潦毒氣脉日

流通膚體春盎燠雖無兩女跣

洗音

幸免泥塗辱手足輕

欲旋叫嘯如生鹿它年期賜履名掛尚方局

左傳申叔展語還無

社中有麥麴乎曰無有山麴窮乎曰死河魚腹疾奈何杜預註麥麴窮所以禦濕欲使無社逃水中軍前不敢

正言故隱語耳二藥皆能禦濕也漢馬援謂官屬曰吾從弟少遊嘗哀吾慷慨多大志曰士生一世但取衣

食纔足至求盈滿但自苦耳吾在浪泊西里間虜未滅之時下潦上霧毒氣薰蒸仰視飛鷲跼跼隨水中念少

游平生語何可得也

府掾林靜夫照勘學職

金谷花滿園風雨苦相阨東君不着力荏苒成蕭瑟儂
亦種花人點綴紅與白命分薄於花飄墜隨暗嘿今朝
風信好盡是看花客紅紫盡醫治辜負無顏色

儂吳人語也其

自稱及彼
皆曰儂

呈莆田楊明府

明星出南紀照夜光爛爛披衣起周覽百里渺河漢莆
為壯哉縣飽閱三年宦美錦晚操刀凋瘵已過半關西
老夫子學道悟一貫不猛亦不寬善政孰也慢走也忝

卜鄰種柳兩家看雖無酒酣失早已戒鵞鴈新詩非造

次聊用博笑粲此生復何求已識荊州願曹參為丞相遊後園聞吏

歌呼反取酒張坐飲大歌呼與相和韓酬崔少府有

居易與元八卜鄰詩明月好同三徑夜綠楊宜作兩家

春李白上韓荊州書天下談士相聚而言曰人生不

古意

妾昔未嫁時深閨藏蛾眉黃金挂北斗一覲不可期世

情無定見難鵠分貴賤珍重明月珠不學璞三獻香葵

割傷根甘井汲先渾擔結同心言薄俗難具論

韓詩外傳田饒

事魯哀公而不見察謂哀公曰夫雞有五德君猶日淪而食之者以其所從來近故賤也夫黃鵠一舉千里食君魚驚啄君稻梁無此五者而貴之者以其所從來遠故貴也故吾將去若黃鵠舉矣公曰吾將書子之言

卞和得璞玉三獻於楚而刖其足荆山在襄陽府南漳縣今有抱璞岩

中秋對月

四時秋均平子夜天高寒習習人影散湛湛杯意閑
况然悟大巧琢此玉一團圓明具心體洒淅開眉端
林有起樛宿谷有空幽蟠秋豪不能遁至潔若可餐
束浮在

溟渤西照彌長安令人渺浩思與物齊大觀矢歌繼長
嘯駛筆追冥翰鼓推亦何事忘言有真歡

魏文帝詩秀色若可餐

呈稅使索所植稅

夷齊首陽薇黃綺商山芝要是避世士藉此充朝飢天
下今一家尺土亘地維寒寒皆王臣祿足充耘耔不仕
還不耕儒冠老而癡敝門考墳典不受塵勞羈忽傳聯
騎來榮耀驚童兒幸接咳唾音磬折聽指揮

莊子漁父杖屨達立

而夫子曲要磬折再拜而應得無太甚乎

堯仁大如天立國存明威種田納

地稅買賣商算之所恨土產薄不給糟床貲倘得食其力免歎終歲疲黃屋憂元元常發匡濟思錙銖苟過取或恐傷單贏貲富與地侔不在民膏脂龜背欲刮璽九

牛亡所遺

或問華譚諺言相去九牛一毛寧有此理乎譚對曰昔者許由巢父讓天子之貴市道小

人爭半錢之利此之相去何啻如九牛之一毛也

願移高明思俯聽危苦詞詞

苦能藥人勿憚先顰眉

史記商鞅云甘言疾也苦言藥也唐太宗高馮鍾乳一劑曰

而進藥石之言朕以藥石相報

省事四章一章言其涉世而知止足二章言其

處困而亨三章言其守約而貴自養四章言其
守道不污世衰道微四維不立士君子猶改其
度焉嗟乎予不及見白華之未廢也

生無適俗姿止足了殆辱絕交謝二仲

蔣詡舍中竹下開三徑惟羊仲

求仲與之遊二仲皆性志逃名陶淵明與子書曰但恨隣靡二仲

造謗避三叔時携牛

角書且作生眼讀

唐李密垂牛挂漢書一帙角上行且讀之

疲極酒霑唇軒

渠隨意續生事姑置之有子吾事足扶杖擷藥苗呦呦

啖生鹿

魚目復魚目胡為不自足世以先為妖誰云暗非福璞

珍不必獻瑟工祇自辱

韓答陳商書云云客罵之曰王好等而子鼓瑟瑟雖工如王不

好何是所謂工於瑟而不工於求齊也

所以伯牙高終焉卧空谷

衛生智養恬度世老欲拙熊鳥自經伸道引無外說緬

懷葛稚川法得金丹術孰若王夫人鉛汞戒馳突地僻

忘冠巾客至動旬月几閣餘舊書慵來就風閱

莊子繕性生而

無以知為也謂之以知養恬

鑿方不受圓非固事高潔舉世我求蒙吾道竟迂濶追

曲競周容仁義豈苟活近者兩年間戶外無立雪東家
書幣至醯醢覆誰發既無十二經未易語優劣千鈞與
蟬翼輕重正漫滅西施保厥美姜母亦可悅假儒孰敢

非死罪終不脫所以省事佳不用求饕餮

孔子西藏書於周室子路

謀曰由聞周之微藏史有老聃者免而歸居夫子欲藏書而往因焉夫子往見老聃而老聃不許於是緇十二經以說刪詩書定禮樂修春秋贊周易此六經也又加六緯合為十二經老聃中其說許其有理也

壽峯館所擬古問訊光孝東溟講師上人

戊寅

棲息無塵雜滿目雲舒舒別來雲間人賴此可與娛情

親跡自遠道舍人豈疎回首自怡悅無心覺真如

陶宏景辭

祿入山梁武帝詔不起陶詩云山中何所有嶺上多白雲只可自怡悅不堪持贈君梅峯頂有自怡亭

冥師真人法口如瀾翻能令坐下猊翹首諦真言下

堂復演孔吃吃窮朝昏

韓退之送山南鄭相公詩
樊子坐賓署演孔刮老佛

大車

無殊轍目擊道所存如何歡會難陟嶽思高騫何苦將

兩耳受此鷺鴈喧

孟郊詩何苦將兩耳聽此寒蛩號
韓詩隔牆聞喧呼衆口極鷺鴈豈

不畏遲暮竊有顧戀恩離合自有時努力加盤餐

荳粥

辛勤理荒穢歲晚成枯萁非力輒不食孺子豈我欺今
朝卯酒醒塵肺渴不支老妻進作粥咀嚼如牛舐充飢
軟如酥止渴甘如飴一飽萬想滅昧然忘所思傷哉同
根言感彼曹植詞

徐稭豫章南昌人家貧耕種非其力不食韓詩是抄爛飯穗送之合口

軟嚼如牛舐世說陳思王曹植魏文帝弟也帝令十步成詩如不成行大法植即應聲曰煮豉燃豉萁豉在釜中泣本是同根生相煎何太急帝感其言而釋之

癸酉閏三月十六日仙邑館所兒子琦入夢悵

然不懌後八日自解

人生壽幾何過若飛鳥速詎云垂老日欠汝淚一掬棄

來將一期觸感常在目夜夢或見之恍若牛舐犢回頭

語鍾琰

晉王渾妻

此子豈不蓄得非愛惑聰戲我如焦鹿吾

年在桑榆期汝猶絲竹胡為舍我逝世事如水覆嗟哉

六如身悟道講已熟莫將恩愛刀更刻風中燭

杜詩餘生如過鳥

列子鄭人有薪於野者斃鹿藏於隍中覆之以蕉俄而

遺其所藏之處遂以為夢順途而詠其事傍有聞者用

其言而取之晉謝安謂王羲之曰中年以還易於哀樂與親友別輒數日作惡義之曰年在桑榆自然至此

正賴絲竹陶寫常恐兒輩覺損其歡樂之趣白樂天詩不將恩愛子更種煩惱根古詩覆水難再收淮

南子曰日在西景
景在木端謂桑榆

題王右軍妙墨

家蓄會稽書丰度吾所愛縱意之所如浩若風卷旆方

其筆在手神思在筆外心畫根於心義也得其最天門

與鳳閣龍虎之所駢鍾張

錄

至羊褚

欣遂良

具體未至大

結髮事揮染披覩心眼快剡藤玉雪膚番幅何足怪舊

習老未除昏花常昧昧十襲發珍藏何啻寶越貝一息

苟尚存此樂容少懈秦王不格物蛇蚓笑千載珍重庾

安西區區題紙背世無揚子雲太玄則為贅

梁武帝評書謂王右

軍書字勢雄健如龍躍天門虎卧鳳閣王羲之我書比鍾繇當抗行比張芝草猶當鴈行也羊欣書如婢作

夫人不堪位置舉止羞澁終不似真前漢有結髮輸墨言幼習其事唐舒元興作弔刺藤文宗愚人得燕

石藏為大寶周客觀焉主人齊七日端居元冕以發寶革櫃十重緹巾十襲客掩口大笑曰此燕石與瓦甃不

殊主人大怒曰盲賈之言豈巫之心藏之愈深守之愈固王羲之傳後制唐太宗論蕭子雲近出樞名江左

僅得成書無丈夫之氣行行若縈春蚓字字若綰秋蛇誠無骨力也卧王濛於紙上坐徐堰於筆下以得茲美

非溢名耶駭奔笑也右軍書每紙背庚翼題云王會稽六帖二月三十日

食筍甚美因記蘇子瞻食菜有味含土膏氣飽

風露雖梁肉不能及之語為作短句

煮筍烟火氣燒筍泉石味烟火發清真泉石存嫵媚燒
煮勿復論二一一而二易牙辨淄澠先得我所嗜周昌

與屈到菖蘖雜菱芰云胡古聖賢口腹亦為累我本山
林人食竹自幼穉采葑苢棄根拔茅以其氣味含土膏
新氣飽雲露萃萬丈披琅玕森然戰腸胃至今餘汗簡
餘債償未既老饕尚饒涎後災猶髮鬣且食莫躊躇因

果如夢寐

東方朔曰豐鎬之間號為土膏其價畝一金
易牙齊桓公臣淄澠二水名以之為食易

牙皆辨其味桓公試之果驗呂氏春秋文王嗜菖蒲
蘆孔子聞而食之左氏所謂蒿歌是也屈到嗜芰將
死戒其子曰苟祭我必以芰及祥宗老皆薦芰屈建命
去之曰國君有牛享大夫有羊饋士有犬豕之奠庶人
有魚炙之薦籩豆脯醢上下共之不羞珍異不陳庶侈
夫子以其私欲干國之典遂不用子夏肥或問之子
夏曰吾戰勝人問何為戰勝曰吾入見夫子之義則榮
之出見富貴又榮之二者戰於胸臆而夫子之義勝矣

戲作蝸子詩

舉世徒憎蚊蚊毒不及蝸蚊形固已微比蝸尤瑣碎群

然來無聲但覺芒刺背

漢宣帝謁高帝廟霍光驂垂帝
內嚴憚常若芒刺在背其臣見

嚴憚如此熟視乃見之其小真無內公然破白日吮血無陰

晦青蠅能汚人詩人數其罪汝惡能幾何自臭徒起穢

顧惟孱弱軀豈不容百輩拍之恐効尤置汝於度外

書晉

王道指周顓腹曰此中何所有顓曰此中空洞無物然能容卿等百輩

漢光武積苦兵聞隗囂遣子公孫述

遠戍邊陲乃謂諸將曰且當置此子於度外

讀柳柳州食蝦蟆

賦形有知覺莫不資飲食上聖守道心人心拋不得鄉

黨言之詳莫匪視爾極夫苟失其正嗜味亦何益吾觀

柳柳州南食初不識近食不下咽咀吞面汗赤牛炙不

必飽所飽千金璧丈夫貴全身遠就期他日

韓退之南
食詩腥臊

始發越吞
咀面汗赤

讀韓昌黎石鼎聯句序

昌黎真天人大唐五色筆彌明入模寫面目端可識維
時劉與侯流輩遠莫及香名散人耳詩讀方籍籍予觀
二子才何啻扛鼎力云何指壚中神思久縮瑟豈其牆
壘高見短方外客固知千鈞弩鼯鼠何足嫉惜不使軒
轅見正老宗伯咳唾成珠璣鏗鏘發金石我我古壘洗

一掃盆盎質再拜面發驛歛衽當避席賴倚序流傳價

重千金璧

杜八哀詩汝南讓帝子眉宇真天人衡山道士軒轅彌明舊與進士劉師服相識校書

郎侯喜有能詩聲夜與說詩彌明在其側貌極醜白髮黑面長頸高結喉又作楚語喜視若無人彌明軒衣張眉指壚石鼎謂喜能與我賦此乎劉見衡湘人說云年九十餘矣劉以老頗貌敬之不知其有文聞說大喜即綴其下道士啞然笑曰子詩如是似譏喜劉侯相顧慚駭欲以多窮之即又為而傳之喜喜欲壓道士營度欲出口吻聲益悲欲書復止竟不能奇道士高踞大唱其不用意而功益奇劉侯已賦十餘韻應之如響含譏諷夜三更二子思竭不能續起謝曰尊師非世人也願為弟子不敢論詩道士奮然曰章不可不成也謂劉曰把筆來吾與汝就之又唱四十字為八句書訖使讀陸賈聲名籍籍江淹謂郭鞏曰子之咳唾成珠璣吐

氣作
虹霓

水盆怪石雜以蒲竹不減泉石之趣為作短句

廬山幾萬仞鏡湖方一曲二物美則美在耳不在目平

生幽討意正緣力不足白首窺陳編妙處講已熟誰知

好事人埋盆浸坤軸

杜詩萬頃浸坤軸

卷石疊為山玲瓏透寒

玉細竹直而漪寒蒲茸更綠放懷觴詠間戶庭有林麓

就中有佳趣日寫三四幅幽客過我廬一笑聊捧腹

唐賀

知章會稽人授秘書監以病為道士上賜鑑湖一曲
史記曰者司馬季主捧腹大笑絕倒笑而倒也晉書衛

子玠談道平
絕倒

續軒渠集卷一

欽定四庫全書

續軒渠集卷二

元 洪希文 撰

五言古風下

枕簟入林僻

朱夏困蒸鬱城市多淫哇間招嘯雲侶來食山中霞山
中有何好泉石端可嘉清溜接窻筒火種憐菑畬

音賒南方

藝草種田曰畬不事水耨惟尚火耕又荆楚畬田燒榛種田也先縱火爇爐候經雨下種歷三歲土脉竭不可

復種藝但生草木復煥旁山爾雅
一歲苗二歲新三歲奮煥音餗

枯松偃澗壑赤日流

丹砂茂林無珍禽智井空謹蛙桃笙寄億憑菊枕便昏

花煩襟頓消釋密蔭爭交加羲皇有神交遽廬等仙家

莊子仁義先王之遽廬也
止可以一宿不可以久處
久坐令人健微吟到日斜浮

雲滄海狗岐路常山蛇杜牧詩云常山蛇陣勢縱橫祥飈偶披拂哀

音餘摻搗曹操聞禰衡善擊鼓乃召為鼓吏因大會賓客閱試音節諸吏過者皆令脫其故衣更著

岑牟單絞之服次至衡衡
方為魚陽三搗蹀躞而行
山深民多醇隣酒亦易賒去

去下巖局歸途暝棲鷗韓退之題張十八籍所居蛙誰橋未掃蟬嘒門長局

效韓退之栢石

翠栢雖云小已具棟樑氣鬱屈龍蟠泥匝蛭同肆

肆區

也石吾所甚愛山骨鍾竒怪頑然苔蘚面不帶無媚態

栢生雖云艱幸免斤斧債柯堅節磊砢惜乎其未大少
讀種樹書膏肓遇蝦蟹遂令木石性至老猶未懈吾言

栢與石二者相終始石以成其高栢以濟其美卑哉櫟

社櫟蔽牛徒為爾

蝦蟹善發疼癢之疾處士詩長把種樹書人云避世士忽

騎將軍馬自號報恩子

呈段郡守

為學不至穀出仕不願祿此道古所難聖賢常不足嚮

緣汝南評誤蒙君子錄處置童子師佔畢久局促學記今之

教者呻其佔畢多其訊注呻吟畢簡訊問

衰遲舍學校挈挈焉歸宿養士不

及賢何異推舟陸皇天惠仁侯文翁新化蜀下馬坐頻

宮頽瀾生淨綠東閣踵傑魁詞場巨眉目龍文萬斛鼎

異日薦公餗令人想風采快覩烏可卜所願立下風譬

欸聆珠玉探袖出瓣香齋宿三熏沐起着主衣裳持作

斯文祝

汝南許劭與從兄靖俱有
高名好共覈論鄉黨人物
每月輒更品題故汝南有
月旦評

嘗新橄欖

橄欖如佳士外圓內實剛為味苦且澁其氣清以芳侑
酒解酒毒投茶助茶香得鹽即回味消食尤奇方宮商
舌底發星宿胸中藏雖云白露降氣味更老蒼山林假
歲月顏色饒風霜以茲調衆口誰敢輕頡頏作此橄欖
詩遠繼葑菲章大器當晚成斯言君勿忘

夏政齋權府辱示書殘集擬古奉謝

古云文章家性情絕風標大雅久不作繁聲竟何聊吾
觀政齋詩重可鑽青瑤高從霞鷺邊逾覺仙氣飄深如
汲修綆快沃火釜焦厚如食河豚著腹腴未消和如大
鵬翮而惡雄鳩佻平如厭禁錮而以奏雲磬跣足往從
之入笠懼見招昔我未見止蔭蔚困塵囂今我既見止
伶俜快梯飈我思日以枯素秋隕黃苔我有綠綺琴汝
以鷗絃調我有木蘭舟汝以薜蘿橈終然愧鴉鷁安敢

攀鳳條

李白詩大雅久不作吾衰竟誰陳
石者難為功杜詩梯飈馳伶俜

前漢鐫金
文選古猛

行少年惶且怖伶俜到他鄉注行不正貌馳扶搖風也
離騷雄鳩之鳴逝兮餘惡夫佻巧唐賀懷智以鷗鷺
筋作琵琶絃用鐵撥彈
漢律歷志萬物條暢同

再書阿鼎示贈二篇後

英物生世間多見少小時

晉桓溫傳溫未期而太原溫嶠見之曰此兒有奇骨可試

使啼聞其聲曰此英物也

鼎也方八齡示贈形歌詩贈以開其端示

以防其馳失學何責子

陶責子詩

對客何譽兒

唐書王福時有譽兒癖

開端用激勸防馳存箴規伯魚過庭日指示無異辭諄
諄面牆誨或恐中輟之有子誰不愛恩教當並施教者

必以正恩以全吾私古人易子教孟氏豈我欺忠焉能
無誨此語聞仲尼

書黃學錄喬年秩滿障子

吾邑有東里里有東丘父作子述之古昔誰與儔惟
此兩夫子家居僻窮陬終身談仁義不肯干王侯詵詵

魯多儒鮮不沿其流在寢皆淵騫

揚子法言或問淵騫之徒烏乎在曰在寢

或曰淵騫曷不寢曰攀龍鱗附鳳翼巽以揚之勃勃乎其不可及乎如其寢如其寢出入皆鳴騶

祿食不滿德厚種宜有收馨兒溉其根採掇未足訓書

澤演且迤袞袞來不休君家好兄弟克紹箕與裘左手
持宿券天意應所求三年領學校器博用自周歷職匪
父任清談激姦偷深衣見本色講卷追前修一旦謝事
去恍若鷹脫鞴側目盼雲衢取意東南遊孔孟日杲杲
事業橫清秋祝爾博好官祝爾遂遠謀祖父有成規控
弦視雙驅後漢伏湛傳器博者無近用道長者其功遠
今似檻中猿退之送侯參謀詩今君行
得所勢若脫鞴鷹驅弓弩尚弦所居

仙遊縣永興里聖泉昭靈廟有靈泉自穴出冬

夏之交泉源不涸灌民田百餘頃鄉民賴之故

老云有巨靈跡存于石為吾里奇觀予以跋涉

之勞不能徧觀也

按趙畊張龍公碑諱路斯賴上百姓村人夫人闕州石氏

唐時以明經為宣城令自宣城罷歸釣於焦氏臺陰生九子一日見釣處有宮殿遂入居

之自是歸輒體寒面濕問其故曰我龍也蓼人鄭祥遠亦龍也與我爭居此明日當戰使

九子助我我領絳綃鄭領青綃明日九子射青綃中之九子皆為龍子孫世居賴上

龍公大唐英實出留侯裔棄官歸去來學道簪綰髻一

朝戰潭穴青絳分兩旆妥靈眷茲土碑碣傳千禩作廟

殿山阿至今駢崇癘仙源泌甘泉滴滴冬不閉坐石連
尻雕苦身甘踈蠶百畝每每田豐穰無旱歲禾生滿東
西隴畝草不薶瘟行徧鄉落不見其牛掣飽飫神之功

安全神之惠神仙事渺茫且享春秋祭

東方朔傳武帝問朔曰方今公

孫丞相兒大夫董仲舒司馬遷之倫先生自視何與比哉朔曰臣觀其吐吻唇連尻雕臣雖不肖尚兼此數子也
賈誼疏天下之勢方病大瘡一脰之大幾如腰一指之大幾如股非徒腫也又苦踈蠶謂足踈反戾不可
行音炙戾
夏燒薶行水利以殺草注芟草也

讀陶公遣力與子助勞書

畧曰吾遣一力為汝薪水助此亦人子耳

可善
馭之

吾求諸古人日力皆自給季子薪自負范妻爨自執豈
曰乏其人勞役甘汲汲有形反累人遺譴恐自及吾身
非季子吾妻非范妻井臼必自操舉案常眉齊冬夏完
葛裘朝夕調鹽齏嗷嗷八九口幸免饑寒啼衛青本人
奴道固所生賤受命理則同世人無定見陶公遣力書
惻怛予所羨諄諄善馭之言鍛而語煉薄俗難具論請
讀王褒卷

北史崔道固為宋諸王參軍被遣青州募人
長史以下並詣道固道固諸兄等逼所生母

致酒炙於客前道固驚起謂客曰家無人與老親自執
劬勞諸客皆知其兄所作咸拜其母母謂道固曰我賤
不足以報貴客汝宜答拜諸客皆歎美衛青為平陽
侯家僮曹壽有一相客相青曰貴人也官至封侯青笑
曰人奴之生得無笞罵足矣安得封侯蜀王子泉從
成都楊賈夫時戶下有髯奴名便了決貲萬五千與立
券約從百役使

書暇遊傅氏竹林

辛未六月

嵇阮得大名

嵇康阮籍山濤向秀劉伶阮咸王戎是謂七賢

清譽豈在竹邈哉

千載下高風竟誰續此君直而清奇致異凡木吾徒婉
而真古淡超流俗天生不群人領此清閒福所以隨所

寓徑造無不足書舍接平林嬋娟常在目時携一樽酒

陰涼侑醺醪竹下成八賢松唯舜也

莊子德充符受命於地唯松柏

獨也在冬夏青青受命於天惟舜獨也正幸能正生以正衆生

賦詩詩思清讀書書思

樂清瘦愈濁肥好伴林間鶴

癸酉六月十六日雷雨交作經日乃止農田甚

為之害

皇天司下民有赫冒于上四維列星宿環布嚴拱向赤子魚頭生鯨喝食土壤九州隨土性播種無間畛天心

憫下民艱食勞勸餉嘉生膏陰雨神功均北塊嚴勅內
外官班職俾分掌雨師十一來風伯五當往俾汝司噫
欠汝獨矜神王揚砂振陵岳怪差不可狀俾汝司肅狂
汝獨誇雄壯傾河決堤堰怒氣誰敢傍上天有紀綱謫
罰豈虛誑三台相北斗太白居大將熒惑執法官強禦
所不讓具牋奏天門天顏為愴悅謂宜殲巨姦民瘼不
可長神靈願悔禍自失甘懲創力耕有不獲太平本無
象

莊子大塊噫氣其名爲風是唯無作作則萬竅號怒

王充論衡太平之時五日一風十日一雨風不鳴

條雨不破塊聚氣為噫開口為欠仙人噫欠則為飄
雨擢手則為大雨法言耕不獲獵不饗耕獵乎唐玄
宗延英對宰相曰卿等有意太平乎牛僧孺對曰太平
無象今雖未及至治亦可謂之小康而求太平非臣等
所及杜詩一夫臨關
怨百萬未敢傍是

客送酒復對客

百年三萬日不可無此酒此酒不可無此客未嘗有種
秫學陶公二頃五十畝欲使酒如坻薰蒸及蒲柳年來
精力衰入戒亦已久長瓶閒卧沙鷗夷解車後君來暫
破戒劇飲共濡首酒豈有過乎閉門防客走

易未濟上九有孚于

飲酒無咎濡其首象曰飲酒濡首亦不知節也 晉書桓
溫請謝安為司馬安喜言平生竟日既出溫問左右曰
顧嘗見我有此客否

夜坐觀星

天如漆黑盤明星四散出大者絢珠璣小者布砂礫虛
浮蔽太空氣焰光相射飛流伏匿間分據九州域吾將
叩真宰汗漫無紀極大樞列北斗五星聚東壁匿司
下人修恃見凶吉森然羅萬象甘石難測識箕張牛奮
角想像雜塵臆天亦未必知蔑茫欲誰詰神堯敬授時

司天高百尺熟讀天文書大試保章職

晉書齊有甘德魏有石申夫皆

掌天文

晉史董因云公子重耳以辰出參入以驪姬之難出晉當辰十九入晉當參以辰參出沒重耳象之

終免其禍出入不相見

擬古呈賀郡公

喬林巢獨鶴自愛經幾秋
憂然伸其喙衆鳥噤不啾
啄玉山禾渴飲清渭流
豈不念饑渴芳潔慎所求
翹首仰雲衢亦有健翼遊
雲衢非吾事所性林泉幽
林泉有何樂雞鶩相與儔
賊糧固其性耿介難自謀
雞肥鶴日

瘠謾自高一頭況又去其半半載不見訓衆禽詎然笑
餓死予爾羞餓死則猶閑未死將誰尤

揚子學行頻頻
之黨甚於鸛斯

亦賊夫糧
食而已

續聶夷中傷田家

貿貿丘麥秀螻螻吳蠶生微行執懿筐亦既受厥明上
馬給王賦下馬紆官征豈為饑寒念所念瘡痍平哀哀
生理窄了了無餘贏惻怛夷中詩萬古田舍情

龜洋僧越浦造寧海東際橋姪清甫為求詩以

壯其事

我昔攜二客涉此春江潯
春江渺無際下有魚龍吟
行客日已晚夾岸菰蒲陰
滄江見舟子招招勞予心
我家山之陽我友山之岑
懷哉不得往黃鳥鳴空林
向微塵外人慨此將焉任
欲立萬歲功豈憚歲月深
刺手劓巨鰲繫址重淵濤
雲濤鼓韶濩共爾澆煩襟
吾鄉鄒魯鄉人物多華簪
寥寥識緯語桓譚非所欽
為謝金仙子氣化無古今
逝將紀江漢相國生自南

桓譚不言符識
聖僧黃妙應識云

寧海通人行此時卿
相生黃妙應莆產也

相溪陳教授

世英

俊夫秩滿且有莆稅使之除古

意問訊併以自述

難難重難難遲暮事儒冠遺下兔園冊十年仍獨還獨

還竟何如衣垢鬢髮斑憔悴何足惜龍蟠肆其

揚子問神

龍蟠于泥蛭其肆矣蛭我蛭我烏覩龍之志也歟注蛭
蜥蜴也似龍而無角如蛇而有足肆則區也言龍未飛

天與蛭同區也我如幽澗泉屈曲走鬱盤君如大壑水蕩漾生

波瀾澤物固已多涸鮒常枯乾寥寥管鮑交此道古所

難新歸未稅駕

史記李斯云當今大臣之位無居者於吾未知所稅駕者矣

僕御遲

音促鞍展禽稱賢士不肯卑小官狗監不知薦

主天子田獵

馬曹固勿歎

晉王徽之桓冲騎兵參軍使問卿署何曹徽之對曰似是馬曹

國朝重錢

穀許綴通明班

張守真朝玉皇大殿觀其扁曰通明不曉其旨因焚香告曰通明之義未諭敢

祈真教真君曰上帝升金殿殿之光明照於金殿光明通徹故為通明殿玉帝殿名也

三命士所齒忠嘉忌尸餐寤寐心旌搖討裁筆舌殫

韓退

之雪後寄崔丞云殿前諸

公賜食罷宜念幽桂道椿管文選心搖搖如懸旌揚子執有書不由筆言不由

舌吾見天常為帝之筆舌

鶴避巢

亭山有林木葉密枝柯樛昂然來鶴雀棲乳巢其幽旁
枝鬱而聳噉沓衆鳥稠雜成過百口俯啄聲啾啾柰何
遊食徒饒吻思炙謀朋曹議其下一日十舉頭曰謂不
可攀出計桀石投破巢中要害十死九不留鶴雀作而
駭逼我良有由逝將挾其雛擇棲于某丘拮据豈不悴
且免傾覆憂不知汝下民尚有侮我不嗟嗟禽非人傷
類固所羞云胡人異禽兄弟交相訖

莊子長梧子曰汝亦太早計見卯而

求時夜責司晨也見彈而思鶚災左傳成公二年齊高固入晉師桀石以投人徇于衆曰欲勇者賈予餘勇

食筍美甚為短句

居不可無竹逸少傳蘇公此君有令子未脫襦襦中蘄然露頭角綽有迺父風時因侍盤琰談笑觀從容迺父

欠嫵媚吾亦奇阿戎

王徽之寓空宅便令種竹曰何可一日無此君坡詩寧可食無肉

不可居無竹南史褚淵謂任時父遙曰聞君有令子相為善之所謂百不為多一不為少唐太宗曰我見

魏徵少嫵媚耳阮籍素與王渾為友渾子戎年十五少籍二十歲而籍與之交籍每過渾俄頃便去過視戎

良久乃出謂渾曰潘冲清賞非卿倫也共卿言不如共阿戎談

鰕鰂魚

海族誠多奇，鰕鰂未易識。小童鬻市歸，蒲穿不盈尺。團
團類瓜瓞，混混無鱗脊。癩足疑醉泥，詰之曰鰕鰂。烏賊
俚語歟？取義中竊墨。群兒相晤言，墨潘於焉得。初疑梁
進士，眊眊澆以汁。又疑漢治書，殘馥餘膏蹟。毋乃近硯
池，餘波恣啖咋。得非吞舟魚，尚餌沈河壁。自蔽本求全，
不知滅其跡。煦水水盡烏，竟以墨自賊。子瞻謫海南，作
說為之述。爾雅注蟲魚，網漏欠詳悉。

柳渾與孟容書秉
筆鰕鰂神志荒耗

觴當作觴
力和切

名阿琦

甲寅丙寅丙寅丁酉

我之先君子琦也為大父大父

關

丑揆初度我

及阿翁齡見汝二十五乃祖行祕書萬卷相撐拄丁卯

鄉貢郎姓字登天府乃父材智凡生不博今古不能讀

父書涉世徒艱苦賴爾後來人勉旃踵前武行當伴從

兄諷誦宣堂廡聖朝方右文達者可指取祝爾學茂良

豈必由父祖祝爾誠諄諄從違誠在汝

周禮地官鄉大夫三年則大比

考其德行道藝而興賢者能者鄉老及鄉大夫以禮禮
賓之獻賢能之書于王王再拜受之登于天府揚子
重黎甘羅之悟呂不韋張辟彊之覺
平勃茂良乎曰才也茂良不必父祖

無邊上人住靈巖滿月

無邊領新命此日道場開月向滿時滿人從來處來論

公推甲乙質美等瓊瑰喜入諸山筆聲同大地雷宜高

當路眼暫屈上乘材太白僧伽識非因兆介媒

韓雨中
寄孟幾

道聯句念初相遭
逢幸免因媒介

讀涑水司馬公和金陵王半山烘蟲

丈人語多工微繆自繩糾噬虫至么麼謂可懸戶牖胡

為大車軸貫心竟何有禦寇近道翁縱此瀾翻口景畧

疎放時

王猛字景畧

袖此無用手掛名青史中遺笑傳不朽

後世為美談姓字記誰某二公廊廟資力可扶宇宙如

何酬唱間爬剔便絮垢仁義蟲其官有益國家不三歎

商君書掩卷重搔首

晉書王猛隱于華山懷佐世之志桓溫入關猛被褐而詣之面談當

世之事捫蝨而言旁若無人溫察而異之商君二十

六篇以仁義禮樂為蝨官如曰農曰商曰官三者天下

之常官也農闢地商致物官法民三官也生蝨者六

曰歲曰食曰玩曰貨曰志曰行六者有必削者也

誕阿鼎

戊辰庚申癸亥壬戌

戊辰秋七月十日中元近亥戌當此時喜見二德並宣
尼親抱送寶誌摩其頂英賢久不生甚哉門戶冷天意
或其然書澤傳有永嘵嘵三男子琦鏞與阿鼎異日考
作室已卜子堂肯翁無甌石儲氣量有萬頃聖賢不憂
貧此意要警省忠信為根株詩書作綱領此語書諸紳
受用有不盡作詩示兒曹見者發一哂

南史徐陵母臧氏夢五色雲化

為鳳集左肩上已

而誕陵數歲家人携以候寶誌摩其頂曰天上石麒麟也

揚子清靜寡慾家無甌石之

儲晏如也漢書膠西王子端遂為訾省謂無所
省錄訾音子集韻云思也訾省猶言無所思省

送黃仲復

雷卿任三山學錄後職教

漢廷購宛善馬肆空學校選入飛兔群一躍猶變豹近

者八鄉達往往皆職教去作他人姝矣轂轉高妙臯比

橫講席鶴俸供廩稍瞻視凡馬群尾大固不掉君為汗

血駒銀鞍追駉驃淺飲合沙流時來即同調前漢大宛

七十餘城多善馬汗血言其先天馬子也汗從膊出故

名汗血馬也孫卿子曰驊騮騏驎織離驂耳古之良

馬也易經君子
豹變其文蔚也

館所歸謁上官廣文

先生富道德來作斯文主
誅誅弟子行樂育均教雨宗
師大範撫甄陶同其所施以陶物
功器成無咎竊顧惟
頑鈍資姓字忝廊廡奔走衣食途
簞瓢屢空窶先生如
春溫於物了無拒敬持一寸心遠托萬間宇

初冬述懷十四韻戲簡周介福陳仲敷二先生
顓頊方用事威節何辛酸
百卉無遺秀千林變成丹
陰風日淒厲梯此長恨端
妖艷不可極予生尚多艱
寒爐

守煤爐枯條滿青山乾釜憶澆澗甘井生波瀾新霜骨
髓痛永夜衾裯單病馬聞飢嘶露猿聽號寒起坐復痒
瘰有酒難為歡愁如匪澣衣何時思一浣棄置兒女悲
壯志生羽翰況當警寇盜戒備嚴鄉闕願請受長纓殄
彼為民殘天乎矜其能夕死意所安

漢書南越與漢和
親終軍年二十餘

終軍請受長纓以羈
南越王而致之闕下

古意呈夏政齋權府

夏侯富文術武庫森韜畧文武出天資結髮習象勺問

程已知津攜家猶土著客戍又二期翩翩載琴鶴猥誦

病競吟自慚才鹵薄主將倘見收猶堪助橫槩

漢書有結髮翰

墨結髮而戰言自幼小時也

南史曹操丕馬上橫槩通俗文曰矛丈六者名槩

杜詩主將收才子崕

峒足凱歌

梁武帝破魏會群臣華光殿聯句曹景宗後至帝以武人不分韻曹不平啟求賦詩韻已盡惟病

競二韻命與之援筆成曰去時兒女悲歸來笳鼓競借問行人何如霍去病

書莆邑長官伯罕德政詩卷後

其子三載在予席下後為金灘

使稅

歷縣猶歷灘少載灘自平牧民猶牧羊弭鞭羊自行轡

如信陵執琴作單父鳴不曾讀古書禮樂森縱橫三年

行播政文士交騰聲采采繼國風付與千載評

莊子善養生者

若牧羊視其後者而鞭之

嘗記韓簡東野詩我願身為雲東野身為龍四

方上下逐東野雖有離別無由逢然亦不過詩

人相愛慕之情云耳貫齋大帥輿疾督捕客莆

近兩閱月僕以老病相仍艱於出入是以會晤

之時少情甚親而跡甚疎視古人以雲龍相期

異矣敬賦以紀其事

班生投筆歎志在萬戶侯貫齋有道者體博用自周文
武具天性逸氣隘九州四戰死無生不避劒與鉤豈不
念膚體有類百衲裘陟岵哀所天抱痛終千秋祖父八
袞餘坐膝恩未酬前年謝事去喜若鷹脫鞴寄跡老子
中黃冠卧林丘事有不可料焉能箸前籌霞城選名將
揀擇云公優輿疾赴簡書奇疾行當瘳抵莆相物色無
恙即點頭嗟予十年舊阻隔知無由欲接平生歡引吭

閉其喉別久坐移時十語不一訓殷勤叙契濶咄咄書

不休忠孝苟無愆丈夫何憂滫瀡奉餘年天必應所

求老老能及人然不豈然不

後漢班超字仲升數曰大丈夫無他志畧猶當效傳

介子張騫立功異域以取封侯安能久事筆硯間乎

張良傳臣請借前箸籌之李陵曰霍與上官得無恙

乎晉殷浩為桓溫所奏廢為庶人殷浩雖被
放黜口無怨言但終日書空作咄咄怪事而已

莆田之新安田君晉叔攜二季遊桐城有年今

挈而歸里於僕初無平生之歡一日以其道同

一語輒合知其為吾黨中人也暇日示僕教子

積分圖予嘉其刻志自苦又樂顓頊有賢父兄
異日將有成也聊書四十韻以道鄙意云爾

吾聞古聖人不厭與不倦自下仁智工結此兩重案學
焉不時習所學與冰炭傳之而既習在己已可翫又聞
嘗獨立子不教而遠詩禮叩其端必待自貫串他日面
牆誨正恐無所見知困後教之

孔氏說
命疏

一語發關鍵譬

如立田苗守塊逢久旱陰雨一膏之欣然滋溉灌予亦
村校書挾冊入渠觀陶成鎔中金躍冶不復鍛在寢皆

淵騫幾見籍湜叛名聞四十年正在為師患田君善教
子衡石自程限家有積分圖蓄眼未嘗見精勤朱暈圓
荒嬉墨塗半日居而月諸於焉考最殿象教業黑白

佛經

善業為白
惡業為黑

善惡工變幻吾徒有正學勿為它所變二氏

相為用

韓語

此語亦欺謾後世雜機權演孔老佛亂有道

往正之又恐識真贗驕駒氣食牛早覺牙爪換異日瑚
璣資濯濯出珪瓚雖云賴琢成已與燕石判專門翁季
學平居相講貫三程與三蘇淵源何汗漫至哉有此樂

鼎立期璀璨名世紹弓箕安弦必操縵元亮達道翁詩
酒了昏旦命子責子篇喟焉興永歎退之唐文人示兒
語麤悍玉帶懸金魚銀車遭謗訕所貴孟母賢斷機示
懲勸名垂千載下嵩華走河漢汝南月旦評靖紹許同
傳示我贈送篇粲粲錦綉段予非能文者才短如襪線
犧樽眩青黃回首溝中斷

李昭字台瑕言韓八座事業
如拆襪線無一條長者八座

昭名

梅峯僧一理澈菴其號也住靈巖上坐開堂演

法歌以贈之


太白識僧伽退之識澄觀理也釋門老融澈道一貫西
教窮根源剖刷精把翫開迷疏鈔箋輕重分鐵炭禪和
得龍象玄義慧傳梁六衆不聽瑩了了送一難大珠既
脫翳白月亦磨漢云胡法又別心佛自變幻擺手住此
山蒼松回碧榦梵香海潮音御爐雲影散山林願太平
上祝堯舜萬

余郡守覈實賓序

甫為士鄧林僕也樗散木不遇匠石知終焉卧空谷盛
年汝南評誤蒙君子錄俎豆於賢人青黃眩群目晚綴
耆舊班久厭支離粟燕石誠混淆烏覩荆山玉士窮舍
學校摯摯焉歸宿處置或異宜何異推舟陸自慚過稀
年薦剡至累幅枯朽不自量吹噓勞尺牘皇天惠仁侯
丈翁親化蜀善類盡薰陶淳風振頽俗竊喜遇荊州志
願平生足長價王侯門青萍從結綠

和復齋憲副初春遊園韻

為愛名公詩性情清且和慮澹物自輕意愜情已多
花憂世事實負居甲科豈無治安策少答喜起歌回首
謝蒼生時兮將奈何



續軒渠集卷二

欽定四庫全書

集部

續軒渠集卷五

三至

詳校官中書臣孫衡

侍讀臣孫球覆勘

覆校官中書臣宋鎔

校對官中書臣范鰲

謄錄舉人臣朱錫彤

欽定四庫全書

續軒渠集卷三

元 洪希文 撰

七言古風

題聖墩妃宮湄洲嶼

我昔纜舟謁江干，曾覲帝子瓊華顏。
雲濤激射雷電洶，殿閣聳兀魚龍間。
此洲仙島誰所構，面勢軒豁規層瀾。
壺山峙秀倒影入，

梁元帝纂要云：景在上曰反景，景在下曰倒影。
司馬大人賦貫列缺之

倒景兮涉豐隆之滂溟張晏注曰景去地四千里其景皆倒在下也乾坤擺脫呈倪端退韓

之南海神廟碑乾端坤倪軒豁呈露粉牆丹桂輝掩映華表聳突過飛壘

湘君小水幻露骨虞帝跡遠何由攀之湘君堯之二女舜

於蒼梧二妃從之溺死沅湘間銀樓玉閣足官府忠孝許入巫咸班帝

憐遐陬雜鯨鰲柄授水府司人寰五雲殿邃嚴侍衛仙

衣法駕朝天闕危檣出火海浪破神鬼役使忘險艱靈

旗旄望廣樂振長風萬里翔孔鸞平洲遠嶼天所劃古

廟不獨誇黃灣黃陵有至人何心戀桑梓如在地行

湘君廟

曲盤升階再拜薦脯藻不以菲薄羞儒酸日談書史得
少暇石橋潛渡凭雕欄詩成不覺肝膽醒松檜蓊蒼鳴
玦環騎鯨散髮出長嘯追逐縹渺乘風還阮籍嘗於蘇門山遇孫登與商畧終古及棲神導氣之術登皆不應因長嘯而退至半嶺有聲若鸞鳳之音響於巖谷乃登之嘯也韓
詩翩然下大荒散髮騎麒麟

題王昭君出嫁圖

平生慣讀明妃怨老來却向圖中見看詩只見古人心
看畫又知古人面當時初選入漢宮亭亭秋水環芙蓉

芙蓉照水矜顏色自信年少長春風一朝引見辭君去
此心已作楊花絮黃河一去不回頭泣損花容留不住
輜車重載漢寶歸驪黃嚼啗黃金羈縻臣尚作首鼠態
居延萬里行遲遲居延漸近漢漸遠胡使悲歌落日晚
人生失意何足云螭首蛾眉難自遣琵琶韻絕心悠悠
種廬未到眉先愁種廬愁愁幾種胡恩終薄君恩重哈
敦般鐸春草生尚有行人弔青塚

漢田蚡怨韓安國曰何為首鼠兩端首鼠

一前一却哈敦般鐸乃國朝語也乃青塚之所在或云哈敦娘子也般鐸墓也理或然也哈音渴鐸音卓

月軒施老人求山丹栽

老施學道黥紫霞丹成仙去餘此花尚餘仙子傳丹穴

青睛紺髮顏如霞當時郭陳兩詩老

郭梅西陞長樂人陳鐵坡天驥莆田

人曾對此花被花惱至今素壁照夜光可惜花仙不知

寶晚年同好洪崖翁仙根吹送煩天風花開爛熳玄圃

紅爐中九轉難為工

史記貨殖傳巴寡婦清其身得丹穴而擅其利數世玄圃亦名閭苑

在崑
為中

效蘇子瞻莫笑銀杯小

勸君莫笑銀杯小一日傾瀉三百杯勸君莫笑一日飲

百年三萬六千回吟時只作簡簡吟

白樂天簡簡吟不肯迷頭藏白地

斟時只作淺淺斟下筆直作風雨快醉鄉酒德逢知音

我無公田二頃半床頭幸有琴堪玩陶公曠達未足云

嗜酒何如飽喫飯須信小小亦自奇老盡英雄君豈知

揮金留客固自好爭柰無金愁殺我

前漢疎廣傳歸田里日請故舊賓客

相與娛樂數問其家金玉川先生也耽酒薄夫有錢恣長

盧仝

樂先生無錢養澹泊有錢無錢俱可憐百年聚過如流

川

陶詩雖無揮金樂濁酒聊可持淵明嘗蓄素琴一

張徽絃不具嘗執而和之曰
但得琴中趣何勞絃上聲

書夏政齋欠伸背面美人圖

髻髻高髻宮樣粧天風飄飄雲錦裳

陌上桑頭上髻髻
髻常蘇州髻髻

高髻宮
樣粧

心華未肯開桃李縱有粉黛難輝光怪渠何事

長背面百歲風花能幾見雲收雨散易傷神齊魯姬姜
顏色變當時畫史筆亦神風流醞藉作欠伸丹青意在
毫素外縱使貌得非天人可憐前代汗青史薄命佳人
類如此幾多寵極愛歇時失意長門暗宮裏老人耳冷

不欲聞世上兒子徒繽紛摩挲喜見法眼淨為君起炷

爐中熏

唐宣宗曰朕耳冷不知有卿也維摩詰經云遠離塵垢得法眼淨周昉畫背面欠仲內人

精極

文與可墨君

與可名同梓州鹽亭縣安泰人皇祐元年馮京榜及第王子猷寄居

空宅中便令種竹或問其故但笑指竹曰何可一日無此君此子猷命竹為君也與可善墨竹東坡先生呼竹為墨君作墨君堂記

竹中三昧稱老可半幅鸞溪東絹好

鸞溪在梓州鹽亭縣出善絹杜詩我

有一尺蕭疎遠近自成林露葉風枝皆帖妥客來披卷

好東絹

當晴牕毛髮盡豎心旌降觀其妙處不外得筆力到處
今誰雙當時揮洒不自愛持素踵門了無礙流傳好事
直至今文采風流遺墨在細哦公詩展畫看詩如有韻
青琅玕詩在床頭畫在軸高堂誰作秋聲寒

古硯

床頭穴石鈍如椎淬我毛穎利如錐書成四體工點黜
山谷張文潛贈君洮州石
含風漪能淬筆峯利如錐聯珠照几光陸離朝來淨
洗看墨色堅緻瑩滑如琉璃乃知鈍靜固得壽上接道

脉同耆願我生無田聊食汝簞瓢仰給猶山雌却怪老

桑未達道守藝改鑄何其癡

桑維翰或令其改姓維翰鑄鐵硯以示人曰硯穿則

改姓卒以進士及第硯乎硯乎汝尚未穿我未老但願與汝終始

無磷緇

揚子山雌之肥其意得乎四體書勢成黜點點連珠不絕

晉衛恒

惜春吟

去年醉倒百花傍旁人拍手笑我狂

韓退之紅芍藥歌云花前醉倒歌者

誰楚狂小今年花酒兩無分一春正坐讎書忙先生讎

人韓退之書未肯出詠柳題花閑度日朝來著步花已空搔首東

風長太息

飯牛歌

牛吒吒

讀如丘壑之壑

蹠跂跂

音博

枯其嚙盡芳草綠自晡薄夜

不滿腹擷菜作糜豈作粥飼飢飲渴兩已足脫紉解銜

就茅屋不愁飢腸雷轆轤風簷獨抱牛衣宿

前漢王章字仲卿嘗

疾病無被卧牛衣中與妻訣泣涕其妻呵怒之曰仲卿京師尊貴在朝廷人誰踰仲卿者今疾病困阨不自激

昂乃反泣涕何鄙也後章在官歷位及為京兆欲上封事妻止之曰獨不念牛衣中泣乎章默然乃止云云

丁男長大牛有犢明年添種南山曲

杜詩為農山澗曲山阿曰曲

煮土茶歌

龜山石梯壩井各有土產龜山味香而淡石梯味清而微苦

論茶自古稱壑源品水無出中濡泉莆中苦茶出土產

閩鄉音以茶為茶蓋有茶苦之義其詳已見韓退之詩注鄉味自汲井水煎器新火

活清味永且從平地休登仙王侯第宅鬪絕品揣分不

到山翁前臨風一啜心自省此意莫與他人傳

陸羽字鴻漸善

煎茶次第水品以揚子江中濡為第一常州無錫縣惠山泉為第二楊州竹西寺上有井其水味如蜀江故

其山號為蜀岡東坡嘗於此取水號為鄉味李約

嗜茶曰茶須緩火炙活火煎活火謂炭之有燄者

湘簞

南州六月正炎赫往來道路無行迹土山金石火雲焦
珍簟琉璃秋水碧凜如凌室開寒冰暢若葛天遊化日
安得清涼均四方蘇息蒼生九萬億

聞禽騁

五月七日穀雨晴南山北山布穀聲山禽何事強聒噪
領闕畊種難為情吾家小兒懶且惰不肯出聲長默坐
資身衣鉢豈復知歲月兒童容易過我老欲畊柰無田
學作山禽司勸課祝兒書田早早畊得粟千鍾當念我

課兒夜讀

我生去聖亦已遠獨抱遺經增愧歎嘗聞不食終夜思
又道得之常待旦聖賢夕惕不遑安況我愚人甘事半
便當折鏑不辭勞何至臨淵空久羨呼燈繼晷便焚膏
似鳥黏繭守空案諷以萬言加百遍精力已疲道未見

聽琴歌

疎簾曲檻蘋風涼細腰美人藕絲裳神閒意定丰度遠
玉指纖纖彈履霜喬林鶯轉日卓午幽澗泉鳴夜未央

孤鷺別鶴生暗恨毋以冰炭置我腸

梅峯大衆舉留東溟講師二十韻

得法於大都普慶寺

梅峯古刹三百年今日教寺昔日禪
閭浮勝境都占盡
城市有此真林泉
中朝崇佛廣說教
遴選樞範來幽燕
幽燕得法說宗旨
曇華種子皆鮮妍
相州京邑飛鳥外
出家學佛道理綿
北溪雲峯僧龍象
擇師教子恩義全
司徒天下僧領袖
卑辭厚幣何惓惓
居然體製古曇洗
一唱三歎朱絲絃
幡幢排拶迎登席
組結龜判華鑣聯

吾徒跼受惕齋慄辭慳義卓無留玄宣明大訓說聖諦
金春玉應轟喧闐宗風承唱自家曲勇張赤幟光青氈
一朝忽動慈幃念舉比撤去辭還山曉曉各是尊師者
相率控告攀轍轅郡公處置採衆論歡聲雷動徧海壖
同寅叶議彙薦剡狂瀾一障回百川星忙府帖下敦請
障疏辭語清且圓從來佛性無南北隨緣付分何拘牽
青蓮尚有堪修宇貝葉重有可註箋法緣未斷且駐脚
事業儘有無窮年

維摩詰經如龍象所蹴躡者非驢所堪佛書謂有力可以負荷者也傳

燈錄風穴延昭禪師有廬陂長老
問曰師唱誰家曲宗風嗣阿誰

書東溟講師赴囊山主緣障子

海月堂前邈雲漢辟支巖下山石爛禪宮銷歇幾百年
坐閱星移看物換溟師大是個儻人法心無住無畔岸
語言灑灑中邊蜜五色明珠光璀璨天親百法幾萬言
毗盧大藏幾千卷前身畢竟遊珠宮科疏從頭盡淹貫
龍天親自選棟樑囑付擔當訓大願凌雲氣節何飄飄
架五鳳樓真手段幾多猿鳥下山來竚看山門回舊觀

吾徒啟沃固已多淳若槁苗逢溉灌留公恐是予識偏
久假不歸似欺謾闕溪祖師住此山中留衣鉢傳慧粲
至今芳躅尚繼往宿昔法緣未應斷前臺花發照後臺
蚤為青蓮了輪奐賸將金碧飾翬飛留與後人作公案
翩然返旆賦歸來勤為君王祝遐算

偈側行代某人呈某官

世途偈側多險惡趙本酒厚反為薄世途瀑瀉變朴淳
魯鼎已鑊能惑真卑陶世遠誰聽直盡道曾參能殺人

哀哉直道喪已久不但州黎高下手此心苟不愧彼蒼

詎謂九衢異太行時非衆口金可鑠天定勝人元不錯

揚子人衆固能勝天天定亦能勝人敗吾車厚愚溪對

吾盜而趨不知太行之異乎九衢以敗吾車淮南子

云楚會諸侯魯趙俱厭酒酒吏怒趙乃以魯薄酒易趙

厚酒秦之楚王以趙酒薄故圍邯鄲趙地史記甘茂

傳魯人有與曾參同姓名者殺人人告其母曰曾參殺

人其母自若也及三人告之投杼下機踰牆而走是謂

以愛
感聰

癸酉六月十四日臂痛不自聊戲作短句

卿不見將軍力挽十石弓勇沒矢筈寒氣隆又不見翰

林醉揮數寸管勅賜官袍天色晚古人文武具全材但
見伎倆忘形骸君看朱亥椎晉鄙袖千鈞鐵何偉哉詩
翁不復作是夢磨墨研丹足吾用晴牕卷手不停披塗
竄典謨箋雅頌天公何事不見憐坐失肩背生憂煎頑
然自覺不屬體縱有杯杓令誰傳諸君莫笑老無力他

日為郎能執戟

漢武帝輦過郎署見顏驕龐眉皓髮曰
史何時為郎何其老答曰臣文帝為郎

文帝好文而臣好武至景帝好美而臣貌醜陛下即位好
少而臣已老是以三世不遇而老於郎署上感其言以為

會稽都尉漢郎
官殿下皆執戟

春寒無炭

古人坐客寒無氈我今為客寒無煙東風兼領玄冥權
今年春寒過去年梅子含酸實未堅薺菜雖茂胎未全
海棠羞澁開紫綿山南山北無杜鵑詩翁縮頸聳兩肩
玄龜守殼凍不前吟成呵硯冰尚堅毛穎蹇澁非張顛
喚起石鼎句再聯倚牆道士鼻息喧此時得酒真解仙
博取一醉真可憐君不見雲安斗水直萬錢杜陵雖老
性命懸畫灰對雪思悄然忍寒披絮夜不眠牛頭何日

雙錦纏

白樂天詩對雪畫寒灰殘燈明復滅
炭翁半尺紅紗一丈綾繫向牛頭充炭直

木瓜

宣州土產花木瓜藥鎗茗椀相傳誇游洋斗邑最窮僻
園丘往往多靈植側聞饒吏口流涎就花計實尤可憐
皂衣出入迭旁午主者為客客為主年年見樹不見瓜
饒吏採實主採花世情有投皆望報足見詩人言語到

夏白紵

白紵歌白紵舞並吳人之歌舞也吳地
出紵故興其所見以寓意始作之田野

後乃太樂氏用焉其音入清商調故清商調
七曲有子夜者即白紵也在吳歌則為白紵

在雅歌者則
為子夜曲也

水晶宮白銀闕鬢如青雲眼如月白紵為袍中勝雪思
君起舞清歌發秋風落木鴈南飛太息遊子何當歸桐

絲指下音調稀雙雙玉淚彈珠璣

任昉述異記闕中三神

水晶宮

山以白銀為宮闕白紵曰質如輕雲色

宋書樂志有白紵舞樂府解題譽如銀製以為袍餘作中袍以充體

中拂塵

食葷子

葷音堪俗謂之菰

大火西流十日雨洗盡荒崖一番暑韭苗菜甲黃且腐

大息辛勤業為國城中不下十萬戶食舍旁連啖葵茹
深山菌蕈紛貢數山澤相逢盡筐筥兒童歸來恣烹煮
脆於熊掌肥於羶先生飽飯腹可鼓文字何由會撐拄
但令樽前筯可舉莫望蒸豚用人乳分渠宰相食萬錢
飯有藟羹多謝天

晉王濟字武子帝嘗幸其家供饌甚豐悉貯琉璃器中蒸豚羹帝問其故

答曰以人乳蒸之帝色為之不平食未竟而去何曾性太奢侈一食萬錢猶云無可下筯處

七言長短句古風

壺山老人說劍歌

忠為質仁為衛淬其鋒磨其礪浩然之氣充天地水斷
蛟陸剝犀運成風切成泥利哉之用無東西卿不見劉
季起關中項王宴鴻門刺客喋秦廷楚子靜國禁彼皆
庶人劍殺戮不足云又不見指髮成陰陽氣焰干牛斗
卧匣如龍吟繞灘作蛇走彼皆玄士劍迂誕吾不信噫
嘻哉夫我則不然衆人未易識簡而成其文粹乎見于
色不報以為強順理以為直化愚以為智規圓以為方
化鈍以為利直與鋒爭鉅濯濯江漢清皜皜秋陽光孔

子云用之則行舍之則藏

廣異記載唐開元末武勝之知靜江軍忽然灘中見雷公

踐微雲逐小黃蛇盤繞灘上靜江之夫以石投之中蛇
鏘然有聲雷公飛去使人往視之得一銅劍有文曰許

旌陽斬蛟
第三劍云

聽琵琶

齡年慣讀琵琶行昔聞今日琵琶聲初如登木雄雉聲
嚶嚶又如伏櫪老驥蕭蕭鳴移宮換徵淒且清大遲小
促和而平宣洩伊鬱陶性情不作兒女恩怨生君不見
昭君去國萬里程豐肌靚麗漢主驚欲留不得信已成

嗚呼韓邪得之不失為傾城

管子地負篇聽微如負猪豕覺而駭聽羽如鳴馬在

野聽宮如牛鳴市中聽商如羣羊聽角如雉登木以鳴音疾以清古詩一笑傾人城再笑傾人國

簡龜山雄峯老禪

去年因讀方牧一紙詩常怪枯槁着句乃有如此奇

陶飲

酒詩顏淵稱為仁長飢至于老雖留身後名一生亦枯槁

今年我亦為詩有此語若

教牧見亦當有如我所譏結髮初入翰墨場自謂不作

吳下兒惜哉兩窮晚相值恨不早插兩翅相與遊天陲

汝南一時評各能守家規屠龍豈失策至老論益彌

朱汗

漫學屠龍於支離益三曳裾王侯門揮灑蒙厚知孤芳
年技成而無所用其巧

衆排屏百色工瑕疵儒庠雖設官徃徃多竊尸立言假

仁義遇事生瘡痍合席推骨鯁同袍背韋脂惟此兩生

者未易烏雄雌方生不言祿糠粃弗及之洪生雖干祿

囊粟失所施

東方朔有言侏儒長三尺餘奉米一囊臣朔長九尺亦奉粟一囊

去年雷

澤地方今安笊箬溪寒果得魚杯羹諒分遺惟茲方外

老耐久敬不衰江空歲云晚尚寄沽酒貲儒釋事一家

緣覺無兩岐願作如是觀當如合分支

韓送崔二十六立之云去來伊

洛上相待安策
草註取魚器

續軒渠集卷三